



ԹԻԻ ԺԲ. — ՇՐՋԱՆ ԻԳ. 1891 ՏԱՐԻ ԻԳ. ԴԵԿՏԵՄԲԵՐ

ԿՐՕՆԱԿԱՆ

ՀՆԱԶԱՆԴՈՒԹԻՒՆ.

Իբրեւ զորդիս հաղանդութեան.

(Ա. ՊԵՏՐ. ա. 14):

Մի քանի օր առաջ լսեցինք, որ մեր զօրքերի մէջ Մեքսիքոյում անսովոր կատաղութեամբ կոտորած է անում զեղին տենդը: Հէնց որ այս լուրը հասաւ Ֆրանսիա ամբողջ խումբ ողորմածութեան քոյրերի ճանապարհ ընկաւ հիւանդ զինուորներին խնամելու համար: Այս կատարուեցաւ շատ պարզ կերպով, առանց աղմկի, առանց մեծ եռանդի, բայց և առանց տառանման: Այս բացառիկ դէպք չէ, անհնարին է չը զարմանալ, թէ ինչպէս կաթօլիկ եկեղե-

ցականութիւնը գիտէ որոնել ու գտնել ֆրանսիացում անձնուէր անձինք, որոնք պատրաստ են երթալու ամենահեռաւոր երկիրներ և կատարելու այնտեղ ամենավտանգաւոր յանձնարարութիւնք: Հարկաւոր է արդեօք խնամել զգուելի և տարափոխիկ ախտերով վարակուածներին, թէև սորա համար հարկ էր իւր երիտասարդութիւնը թաղել հիւանդանոցների մօայլ կամարների ներքոյ, կաթոլիկ եկեղեցականութիւնը պարտաւորուած է միայն ընտրութիւն անելու բազմաթիւ անձանց մէջ, որոնք ցանկանում են այդ ծանր պարտականութիւնը ստանձնել. հարկաւոր է արդեօք Չինաստան, Հաւոն, Սիամ երթալ խաչելեալին քարոզելու, հարիւրաւոր քարոզիչներ հանդէս են գալիս:

Եւ ահա եթէ հարցնես կաթոլիկին, թէ ուստի է այդ կարգապահութեան ոգին մինչև իսկ եռանդի մէջ, նա առանց տատանման քեզ կը պատասխանէ, թէ դորա պատճառը հնազանդութեան խոստումն է: Եղբարք, ես կարող էի հետախուզել այգպիսի անձնուիրութեան ներքին պատճառներն ու բարոյական կշիռը, բայց ներկայ դէպքում ես աւելի լաւ եմ համարում ձեր ուշադրութիւնը ձեր իսկ վերայ դարձնել ու հարցնել. դուք որ կոչուած էք աղատութեան, գիտէ՞ք արդեօք հնազանդել: Արդեօք ամբողջ էք պահպանում դուք եթէ ոչ մարդկանց՝ գէթ Աստուծոյ առաջ արած ձեր ուխտը:

Պետրոս առաքեալը վերոյիշեալ բնաբանի մէջ քրիստոնէի կեանքի ղեկավար կանոն համարում է հնազանդութիւնն և որոշում է այն հասարակ և շատ պարզ գաղափարով, այն է մանկանց հնազանդութեամբ: Հետազոտենք ուրեմն այդ երկու մոքերը, նախ պատճառներն, որոնք տրամադրում են մեզ հնազանդել և ապա այն յատկութիւններն, որոնք պիտի ունենայ քրիստոնէական հնազանդութիւնն և ի վերջոյ կը խօսենք նորա մասին, թէ ինչ ազդեցութիւն է գործում նա կեանքի վերայ:

Ինչո՞ւ պէտք է մենք հնազանդենք: Նախ և առաջ այն պատճառով, որ հնազանդութիւնն Աստուծոյ դրած ընդհանուր օրէնք է, որոյ ազդեցութիւնից ազատ չէ ոչ մի արարած: Բանականութիւնս ինձ ասում է, որ ամեն ստեղծած և կախումն ունեցող արարած

պէտք է ծառայէ իւր Արարչին և յիրաւի փորձը ցոյց է տալիս, որ աշխարհումն չը կայ ինչ, որ հնազանդութեան նպատակներէց դուրս լինէր: Արօնեցէք և գտէք մի չը հնազանդող արարած: Նիւթի շրջանում գուք չէք գտնիլ ոչ մի հիւլէ, որ ամեն բոլոր անկախ լինէր որ և է ընդհանուր օրէնքից, և եթէ այս այլապէս լինէր, աշխարհս քաւոսի կը նմանէր: Նոյնը տեսնում ենք և մարդկային հասարակութեան մէջ, որ կարող է գոյութիւն ունենալ միայն ի շնորհս այն հանգամանքի, որ նորա անդամներն ենթարկուում են այս կամ այն մասնաւոր պարտականութեանց, որոց նպատակն է ամբողջի ներդաշնակութիւնը: Բոլոր հետեալ բազմազան գաղափարներն՝ զօրութիւն, անհրաժեշտութիւն, բնագոյում շահ, քաղաքական օրէնք, պատիւ, բարոյական օրէնք—սոքա բոլորը շարժիչներ են (ինչո՞ւ չասենք իշխողներ), որոնց իւրաքանչիւրը մեղնից այսպէս կամ այնպէս հնազանդում է: Հասարակական սանդուղի ստորին աստիճաններում հնազանդութիւնը պահանջուում է—միթէ հարկ է այս ապացուցանել—նա անհրաժեշտ է նորա և բարձր աստիճաններում: Մարդս որքան աւելի բարձրանում է, այնքան աւելի մեծ պարտականութիւն է ստանձնում: Բայց ի՞նչ կը նշանակէ պատասխանատու լինել, եթէ ոչ հնազանդել:

Հնազանդութեան օրէնքը աստուածային օրէնք է և ոչ մի բան չէ կարող նրանից փախուստ տալ: Ահա զորօրինակ այն մարդն, որ ձգտում է գէպի ազատ զուարճութիւնք: Պարտականութիւնը ծանր է նորա համար, մէկին ենթարկուելու գաղափարը նրան անտանելի է, անկախութեան ցանկութեամբ արբած նա ուզում է շեղուիլ սովորական ճանապարհից, ինքն իւր տէրը դառնալ, կատարել միայն և եթ իւր կամքը: Նա իրան ազատ է երեւակայում: մինչդեռ նա գուցէ ստրուկն է այն հասարակական կարծիքի, որ նա արհամարհում է, գուցէ հէնց նա նորա համար է գրգռում այդ հասարակական կարծիքն, որ սա խօսէ նորա վերայ: Բայց ընդունենք, որ նա ազատ է այդ լծից և հետևենք ճանապարհին այդ մարդու, որ իրան ամեն պարտականութիւնից ազատ է համարում և բարձրաձայն խօսում է իւր անկախութեան մասին: Աւա՛ղ, նա հազիւ մի քանի քայլ կանէ կեանքի ճանապարհի վերայ և ահա

Նրան կը հանդիպի մի կիրք, որ նրան կասէ. «եկ իմ ետեւիցս» և նա կերթայ. «երկրպագիր ինձ» — և նա կերկրպագէ. «ստորացիր» — և նա կստորանայ: Եւ երբ միայն այդ կիրքը կը տանէ նրան այնտեղ, ուր նա երբէք չէր կամենում երթալ, երբ նա կը ջախջախէ նորա հաստատամտութիւնն ու կը բեկանէ նորա կամքը — միայն այն ժամանակ նա կը հասկանայ, որ ինքը ստրուկ է, որ նա կամաւոր հնազանդութիւնը պարտականութեանց փոխել է ստրկական հնազանդութեան հեղ կրքին, որ նրան ստորութեան է հասցրել:

Այս ամենն այսպէս է լինում, որովհետեւ անհնարին է փախչել աստուածային օրէնքներից, որոնք վաղ թէ ուշ յիշեցնողիւ կը լինեն նրանց մոռացողներից:

Այսպէս Աստուած, որ մեզ ստեղծեց, հրամայեց մեզ հնազանդել, անմիջապէս դէպի Նա պէտք է ուղղած լինէր ամենակերպ հնազանդութիւն — և այն ժամանակ ամենուրեք ներդաշնակութիւն կը թագաւորէր: Մարդս, մեղանչելով, խանգարեց այս ներդաշնակութիւնն, նա հեռացաւ Աստուածանից, բայց և այնպէս չազատուեցաւ հնազանդելու անհրաժեշտութիւնից: Նա միայն իւր Տիրոջ փոխեց: Ոմանք, անբան կենդանեաց նման, հնազանդում են միայն անհրաժեշտութեան կամ բնազդումին, ցուրտը կամ սուլն ասում է նրանց՝ «աշխատիր» և նոքա աշխատում են, զօրութիւնը ասում է նրանց «ենթարկուիր» և նոքա հնազանդում են: Այլք, աւելի զարգացածները հնազանդում են հասարակական կարծքին, նոքա կատարում են այս կամ այն գործողութիւնն, որովհետեւ մարդիկ հարկաւոր են համարում, որ այն կատարուի: Այսպիսի պաշտօնը կամ սպասը, որ իւր ձեռով մի ատելի բան է, աւելի բարձր աստիճաններում արդէն պատուոյ փառաւոր սպաս է համարւում: Երրորդներն, որոնք աւելի բարձր են կանգնած, հնազանդում են պարտականութեան գաղափարին: Բայց իսկական պարտականութիւն առանց Աստուծոյ աներեւակայելի է, որ այն զնում է մարդուս վերայ, պարտականութիւնն առանց Աստուծոյ պղնձեայ կուռք է կաւէ ոտներով: Վերջապէս բարոյականութեան շրջանում ամենից բարձր կանգնած են ողորմածութեան հնազանդողներն. ինչ կը լինէր

ողորմածութիւնն եթէ նա չաղբերանար սիրոյ Աստուածանից: Միայն Քրիստոնեան հնազանդում է նրան: Ո՞վ է ճշմարտութիւն, արդարութիւն և սէր: Այս ձեր առաւելութիւնն է, եղբայրք: Դուք այլ ևս չէք ծառայում կրքերին, կռոց կամ անկենդան ցնորքներին. դուք ուղղակի Աստուծուն էք ծառայում կարող եմ ասել, որ դուք միայն հասնում էք ձեր գոյութեան ճշմարիտ նպատակին, ըստ որում համապատասխանում էք Ստեղծողի դիտաւորութեանց, որ ձեզ դրել է աշխարհում: Աստուած կամեցաւ նիւթական արարածները պսակել: Բաւական արարածներ հնազանդում էին նրան ականայ, հարկաւոր էր արարած, որ ազատութեամբ պատասխանէր Նորա սիրոյն, ազատութեամբ կատարէր Նորա կամքը: Եւ ահա քրիստոնէի մեծութիւնն այն է, որ սա համապատասխանում է այս նշանակութեան, որովհետեւ քրիստոնէի հոգին և՛ միլիոնաւոր աշխարհներից աւելի նշանաւոր է: Աստուած ցրուում է նրանց երկնքի անսահման տարածութեան վերայ որպէս փռչի և նոքա ականայ հնազանդում են անպայման օրէնքներին, իսկ քրիստոնէի հոգին կամայ հնազանդում է Աստուծոյ, որին սիրում է: Այսպէս յիշեցնելով ձեզ, թէ դուք ստեղծուած էք հնազանդելու համար, յիշեցնում եմ ձեզ ձեր կոչման բոլոր մեծութիւնն ու փառքը: Ո՛հ, որքան ցանկալի էր ինձ ներշնչել այս գաղափարն իմ ունկնդիրներէիցս ամենահեզ և խոնարհ քրիստոնէի հոգու մէջ: Ինչպէս կը ցանկայի նրան հասկացնել, որ նա, կատարելով իւր կենսական խնդիրը, որքան էլ սա նրան աննշան և խղճուկ երևէր, հետամուտ է լինում կեանքի գաղափարական նպատակին: Եղբայր, արարչագործութեան ընդարձակ միութեան մէջ, որ կազմում է Նախայաւիտենականի ապարանքը, դու գուցէ ամենաաննշան և աննկատելի տեղն ունիս, այնպէս որ երբեմն մինչև անգամ մոռածում ես, թէ «արդեօք ճանաչում է քեզ Տէրը»: Այո, եղբայր, նա քեզ աւելի լաւ է ճանաչում քան աշխարհիս մեծամեծներին, որոնք լցնում են աշխարհս իրանց փառքի աղմուկով, միայն սնոտեաց համար աշխատելով, որովհետեւ նոցա բոլոր ջանքերը Տիրոջ համար չեն: Նա ճանաչում է քեզ, նա սիրում է քեզ, նա ջատագովում է և պաշտպանում քո պատերազմը, քո ջանքերդ ու քո զոհաբերութիւնքդ: Դու երջանիկ ես,

որովհետև մի կողմ թողած աշխարհս և աշխարհի մեծամեծներուն, հնազանդումես իշխողների Տիրոջ:

Ձեր հնազանդութեան պատճառը միայն այս չը պէտք է լինի, եղբարք: Դուք քրիստոնեայք էք, բայց ի՞նչ է քրիստոնեան, եթէ ոչ Քրիստոսի արեամբ փրկուած մարդ: Այս «փրկուած» խօսքը հասկացէք նորա պարզ, վայելուչ և սրտաշարժ նշանակութեամբ: Տէրը փրկեց ձեզ: Դուք մեղաւոր էիք, դատապարտուած և Աստուծոց հեռացած, բայց դուք հաւատում էք, որ ձեզ համար, ձեզ այդ սարսափելի վիճակից ազատելու համար, տաան և ութ դար առաջ կատարուեցաւ անօրինակ սիրոյ և անձնուիրութեան սխրագործութիւնը: Դուք հաւատում էք, որ Ամենաբարձրեալի Որդին մարդացաւ: Նա ճաշակեց մարդկութեան ամեն թուլութիւններն ու վիշտերը մինչև ի դատապարտութիւն և բաժանումն Հօրից: Դուք հաւատում էք, որ դուք էիք այդ զոհի առարկայն, որ Քրիստոսի արիւնը թափուեցաւ ձեզ սրբելու համար: Այսպէս, դուք, փրկուած գոյով Յիսուս Քրիստոսով, այլ ևս ձեզ չէք պատկանում: Դուք սեպհականութիւն էք Աստուծոյ այն ուխտի զօրութեամբ, որ Նախայաւիտենականի Որդին ստորագրել է իւր արիւնով: Թող խաչի պատուանդանի մօտով անցնեն դէպի իրանց կորուստը նոքա, ոյք ցանկանում են նորա վերայ կարգաւ «Բաղ-Բի-Ն» խօսքը, չը կամենալով այնտեղ տեսնել «Հաղանդ-Բի-Ն» բառը: Իսկ ով մերձենում է Խաչին խանդաղատած հոգւով կարգում է նորա վերայ օրէնք, որ աւելի սուրբ է, հոգեւոր և անջնջելի քան Սինայի տախտակների վերայ Յաւիտենականի ձեռքով դրօշմած օրէնքը: Ամբողջ Աւետարանը պատուիրում է հնազանդութիւն: Հնազանդիր, ասում է մեզ խիղճը, հնազանդիր, կրկնում է մեզ մարմնացեալ, չարչարեալ և հնազանդութիւն ուսուցանող Որդու Աստուծոյ անսովոր տեսարանը. հնազանդիր, ասում է մեզ սուրբ Զոհն, որ մեզ համար հեծեց և տանջուեցաւ խաչի վերայ, հնազանդիր, ասում է մեզ արիւնն, որ հոսում է Նորա անմեղ ճակատի վերայ: Հնազանդիր: Եղբարք, դուք խաչի պատուանդանի մօտ ի՞նչ սովորեցաք, եթէ ոչ հնազանդութիւն: Ի՞նչ է այն հաւատն, եթէ սա լոկ խօսքեր են: Սարսափելի գաղափար: Աւետարանն ասում է. «Հաւատաւ և կը փրկուիս» կարելի է հաւատաւ և կորնչիլ:

Այսպէս ուրեմն մենք պէտք է հնազանդենք. բայց ի՞նչպէս:

Երեք և միայն երեք եղանակ կայ հնազանդութեան. հնազանդութիւն շահից, հնազանդութիւն երկիւղից և հնազանդութիւն սէրից. կայ հնազանդութիւն վարձկանի, սորկի և մանկան: Գուք գիտէք, թէ ս. Պետրոս առաքեալն որպիսի հնազանդութիւն է պահանջում մեզնից, բայց ինձ հարկ է խօսել և՛ հնազանդութեան առաջին երկու եղանակների վերայ, որովհետեւ վարձկաններ ու սորուկներ ամենուրեք գտանուում են և ո՞վ է երաշխաւոր, որ հէնց այստեղ տաճարի մէջ էլ չը կան:

Ձր նայելով այն սարսափելի հակադրութեան, որ կայ շահագիտութեան և Աւետարանի ոգիների մէջ, յաճախ քրիստոնէական հնազանդութիւնը խառնում էին վարձկանի հնազանդութեան հետ, որ ծառայում է Աստուծոյ, վարձ ստանալու յուսով: Ահա զորօրինակ դուք մատնացոյց էք լինում ինձ մի մարդու վերայ, որոյ կեանքն իւր արտաքին խստութեամբ ձեզ զարմացնում է: Գուք աւամայ աղաղակում էք. «կեանքի որպիսի սրբութիւն է»: Բայց աւելի մօտենալով նրան և նորա ներսը թափանցելով նկատում էք, որ նորա հոգու մէջ իսկական սիրոյ նշոյլ իսկ չը կայ: Հարցնում եմ. արժանի՞ է արդեօք այդպիսի մարդն երկնային արքայութեան: Ո՛չ, ո՛չ, երկինքը չէ գնուում ոչ դրամով և ոչ հաշուով սպասարկութեամբ, երկինքը սիրող սրտերի մօտ և բաժին է: Ի՞նչ նշանակութիւն ունին ամենանոսրոր գործողութիւնք, ամենախիստ ձգնութիւնն, մինչև անգամ իւր ամբողջ կայքը աղքատներին բաժանելն և իւր անձը կրակի մատնելն, եթէ սրտումն սէր չունի: Այ՛ մենք համարձակապէս կարող ենք առել, որ երկնից արքայութիւնը վարձկաններին չէ, Աստուած չէ ցանկանում հնազանդութիւն, որոյ գաղտնի նպատակը շահախնդրութիւն է: Միայն փրկութիւն ձեռք բերելու դիտմամբ ցոյց տուած հնազանդութիւնը իրան կորցնելու ամենահաստատուն միջոցն է, որովհետեւ այդ կը նշանակէ իւր եսասիրութիւնը մինչև Աստուծոյ գիրկը հասցնել:

Եղբայր, դու կարծում ես, թէ ազատ ես այդպիսի փորձութիւնից, գնուած Յիսուս Քրիստոսից դու սպասում ես փրկութիւնդ:

Աստուծոյ ողորմութիւնից և ոչ միայն քո բարի գործքերիդ շնորհիւ երբէք քո մտքովդ էլ չէր անցնում գնել երկինքը և քո զարմանքդ մեծ կը լինէր, եթէ մէկը քեզ ասէր, թէ քո սրտումդ էլ դեռ ևս կայ մնացորդ վարձկանի շահախնդրութեան:

Գժբաղդաբար ես տեսած եմ այլ մարդիկ էլ, որոնք քեզ նման դժգոհութիւն են յայտնել դոյնպիսի ենթադրութիւնների մասին, բայց ահա դժբաղդութեան ալիքները ծածկում են նրանց, փորձութիւնք մէկը միւսի ետեւից հասնում են նրանց: Եւ ի՞նչ երեւցաւ այդպիսի հանգամանքներում նոցա սրտերում, որոնք ըստ երեւութին անձնատուր էին Աստուծոյ: Ի՞նչ էին խօսում այն շրթունք, որոնք երբեմն եռանդով փռաբանում էին Նորա սէրը: Դեռ լաւ է, եթէ նոքա չեն արտայայտում պարզապէս վրդովմունք և դժգոհութիւն, այլ միայն դառն վիշտ, տրտունջ և ցաւ: Այսպէս ես Դու մեզ վարձատրում: Այսպէս ես Դու գնահատում մեր սէրն ու եռանդը, ահա իսկապէս այն խօսքերն, որոնք ասում են Աստուծոյ այդ բարկացած սրտերը: Ի՞նչ է այս տրտնջանաց պատճառն, եթէ ոչ խաբուած շահախնդրութիւնը: Նոքա սիրով կը ծառայէին Աստուծոյ, միայն երջանիկ կեանքի պայմանով, այնպէս ինչպէս հրէայք հետեւում էին Յիսուսին, յագեցնալու համար: Բայց ահա բաղդն անհետանում է և նոքա դժգոհ են, խռովում են և չեն կարողանում ներել այդ Աստուծուն: Ի՞նչպէս կարելի է անուանել այդ վարմունքը, եթէ ոչ վարձկանի հաշիւ: Ծառայի այսպիսի շահախնդիր յոյսը ինչպէս անուանել, ծառայի, որ իւր պարտավատարութեան համար ամենից առաջ որոնում է վարձատրութիւն: Ո՛հ, այդ հաշիւը թափանցում է շատ հաւատացեալների մէջ, նա մտնում է մինչև անգամ այն մարդոց սրտերն, որոնք առանձին նշանակութիւն են տալիս շնորհաբաշխութեան, նա սողում է, իբրև օձ մարդկային սրտի ամենագաղտնի խորշերը. թող ամեն ոք զննէ իրան և ինքն իրան հարցնէ, թէ արդեօք ինքն այդ օձին չէ՞ տաքացրել իւր կրծքում:

Թէև քրիստոնեան հնազանդում է ոչ թէ նորա համար, որ ստանայ վարձ, բայց չը պէտք է կարծել, որ քրիստոնէական հնազանդութիւնն արժանի չէ վարձու, որովհետև Աւետարանն ասում

է այդ մասին այնպէս ուղիղ և պարզ կերպով, որ ոչ մի տարակուսութիւն չէ կարող լինել: Եւ գիտեմ, որ կան շատ ջերմեռանդ հոգեպաշտներ, որոնք սիրով կը համաձայնէին անպայման կերպով բաժանել երջանկութեան գաղափարը առաքինութեան գաղափարից, որպէս զի վերջինն աւելի խիստ և մեծ երևի: Բայց այդպէս չէ խորհում Այն, որ գիտէ, թէ մենք ինչ ենք. Յիսուս Քրիստոս երբէք չէ զրդում մեզ դէպի զոհ, առանց մատնացոյց լինելու միւսնոյն ժամանակ զոհի վարձատրութեան—պարգևի վերայ. և Նորա բոլոր վարդապետութիւնն այս մասին կարելի է բնաւորել այն խօսքերով, որով սկսուում է Նորա երանութեան քարոզը սարի վերայ, թէ երանի նրանց, որոնք լալիս են:

Կոծն ու լացը.—այդ զոհն է, երջանկութիւնը—գա վարձատրութիւնն է: Այն, հաւատարմութեան Աստուածն ունի իւր վարձատրութիւնն ամեն վշտերի համար և այն ոչ միայն մեծ նորոգման օրին երկնքում, այլ և այս աշխարհիս երեսին էլ իւր ընտրեալներին Նա տալիս է իւր սիրոյ նման խաղաղ և խորին ուրախութիւնք: Եթէ դուք, եղբարք, չունիք այդ ուրախութիւնքը, դա կը նշանակէ, որ դուք բաւականաչափ հնազանդ չէք: Գնացէք և հարցրեցէք այդ մասին ոչ այն քրիստոնեաներին, որոց կեանքն երբէք փորձութեան բովբի միջից չէ անցել, այլ նրանց հարցրեցէք, որոց երջանկութիւնը հազար անգամ ջարդուփշուր է եղած, որոց կեանքը անխիղճ թաղի խաղալիք է եղած: Այս վերջինները աւելի շուտով կասեն ձեզ, որ հնազանդութիւնը բերում է և վարձատրութիւն, որ Պօղոս առաքելոյ խօսքերով—և՛ վշտի ժամանակ կարելի է առաւելութեամբ վայելել ուրախութիւն:

Բայց եթէ Տէրը չէ ցանկանում, որ իրան վարձկանները ծառայեն, աւելի ևս Նա չի ցանկանալ ստրկի հնազանդութիւն: Երկիւղից ծագած հնազանդութիւնը, կրաւորական հնազանդութիւնն, առանց ներշնչման և սիրոյ գին չունի Նորա առաջ:

Ստրկական հնազանդութիւն—ո՛հ, որքան հեշտ էր Աստծուն գրան ունենալ: Բաւական էր, որ երկնքից որոտումն ու կայծակ թափէր, անհնազանդներին հրաշից անյաղթ յայտնութեամբ հարուածէր և նրանց սարսափով ճնշէր: Այն ժամանակ ո՞վ կը հա-

մարձակէր Նրան գիմադրել: Կը գանուէր արդեօք այն ժամանակ այնպիսի մի անմիտ արարած, որ բայց պատերազմ մտնէր Ամենակարողի դէմ: Արդ մի խօսքը կարող է մարդուն յաւիտենական գոթազգութեան անդունդը գլորել: Այս եղանակով Աստուած կարող էր նուաճել ամեն անպատամբ կամք, բայց Նա այս չարաւ, Նա այդ չը ցանկացաւ: Ի՞նչ է ցոյց տալիս բոլոր յայտնութիւնը եթէ ոչ Աստուծոյ հրաւերն իւր արարածներին դէպի ազատական հնազանդութիւն: Մի նախնի բանաստեղծ գեղեցիկ պատկերներով ասում է, որ փոթորիկներն, որոնք ուկիանոսի ալիքները լեռնացնում են, նպատակ ունին կազմակերպելու թանկագին մարգարիտն, որ ծովի յատակում զարգանում է: Աւելի մեծ պատճառարանութեամբ կարելի է ասել, որ Նախախնամութեան բոլոր գիտաւորութեանց, ինչպէս նոքա մեզ երևում են Ս. Գրքում, Նորա բոլոր սպառնալեաց, պատիժների և փորձութեանց նպատակն արարածի պսակն է, աստուածային սիրոյ յաղթանակը—եւ կամենում եմ ասել—քրիստոնէի հոգին, որ իրան ազատութեամբ նուիրում է Աստուծոյ: Իսկապէս բոլոր Աւետարանն, այդ զարմնալի խորհուրդը Աստուածորդու ստորութեան, խոնարհութեան և խաչելութեան ոչ այլ ինչ է, բայց եթէ հանգիստւոր և յոյժ սրտառուչ հրաւեր դէպի մեր ազատութիւնը: Մենք ամենքս խաչի վերայ տեսնում ենք այս խօսքերը. «Ահա ես քեզ համար ինչ արի. իսկ դու—դու ի՞նչ արիր ինձ համար»: Ասէնք ուրեմն առանց տատանման. խաչելութեան առաջ ստորիական հնազանդութիւնը միայն և եթ ծաղր և ծանակ է:

Բայց ո՞վ չէ լսած, որ այնպիսի հնազանդութիւն է քարոզուում յանուն Աւետարանի: Ո՞վ չը գիտէ, որ հնազանդութեան նախագաղափար համարում էին կրաւորական հպատակութիւնն, այսինքն այնպիսի լիճակ, երբ մարդս դառնում է անհոգի դի նոցա ձեռքում, ոյք կառավարում են նրան: Ո՞վ չը գիտէ նոցա մեքենայական բարեպաշտութիւնն, որոյ նախընթացաբար որոշուած բոլոր ատրիճանները պէտք է անցնէ քրիստոնեայն, որպիսի էլ լինի նորա հոգւոյ ներքին տրամադրութիւնը: Այսպիսի մարդը սպասում է յաջողութիւն և կեանք միայն սրբազան արարողութիւնների արտաքին ազ-

դեցութիւնից, սրբազան առարկաներին մերձենալից և ամեն ապաշխարանք ճշգրութեամբ կատարելից: Որպիտի հակադրութիւն, որպիտի սրբապղծութիւն: Ո՛չ, գորա մէջ չէ հնազանդութիւնն, ամենից առաջ Աստուած որոնում է Նրան սիրող սրտեր և Նորա Որդու արիւնը հոսեց ոչ Նորա համար, որ ինքնաշարժ մեքենաներ կամ սարուկներ տեսչծէ:

Շատերը մեծ գին են դնում այն հեռեանքներին, որոնց հասնում է կոյր հնազանդութիւնը, շատերն ասում են, որ նա հրաշքներ է գործում: Մենք համաձայն ենք—կոյր հնազանդութիւնը յիշաւի յաջողութեան սարսափելի գործիք է: Նայեցէք, ինչ հեռեանքների հասնում է նա պատերազմում, մի մարդու ակնարկով որոշեալ տեղում հարիւր հազարաւոր զինուորների ոյժը կենդանացնելով: Բոլոր բռնաւորները հասկանում էին կոյր հնազանդութեան զօրութիւնն և աշխատում էին նրան աւելի ձեռք բերել, քան որ և է այլ բան: Բայց և այնպէս ես կասեմ, որ ինձ համար զարհուրելի է, երբ մարդս գտնում է և աշխատում է ձեռք բերել Աստուծոյ չը ցանկացած այդպիսի կոյր հնազանդութիւնը, թէ գուց լինէր այդ լաւ գիտաւորութեամբ և բարի նպատակով: Դուք մատնացոյց կը լինէք այն մեծ զօրութեան վերայ, որ տալիս է մի բարի գործի համար, կոյր հնազանդութիւնը—բայց մի՞թէ դուք չէք մտածած, որ նա նոյն զօրութեամբ կարող է տանել զէպի չարը և այն առանց խղճի խայթի, որովհետեւ հնազանդողներից բոլոր պատասխանատուութիւնը ընկնում է հրամայողի վերայ: Ահա մեր առաջն են թշրգ դարի երկու անձնաւորութիւնք: Մէկն, որ առաջուց նախապատրաստուած նահատակութեան համար գնում է ձախոն խաչելեալին քարոզելու—դուք արգէն պատրաստ էք նրան իբրեւ զիւցաղնի փառաբանելու, իսկ երկրորդը գնում է Հոլանդիա Վելշէլմաս Նիւիլին (Որանեան) սպանելու: Ինչպէս չը սարսափի մարդս մտածելով, որ այդ երկուսն էլ էապէս մի են, և՛ նահատակն և՛ մարդասպանն—երկուսն էլ միայն հնազանդում էին:

Եթէ մենք ընդունելու անգամ լինենք, որ կոյր և անկամք հնազանդութիւնը ծառայում է միայն բարի գործերին, այնու ամենայ-

նիւ նպատակի որբութիւնը պէտք չէ մեզ մոռացնէ, որքան մահաբեր և կորստաբեր բան կայ միջոցների մէջ և երբ ես տեսնում եմ, թէ այդ սարսափելի գործիքը—հպատակութիւնը—իւր ճանապարհին խեղդում է ամեն ազատակամ բարի եռանդ՝ մարդկային հոգւոյ այս ճոխ ու ընտիր ծաղիկը—եւ նրան դատապարտում եմ, իբրեւ մահուան գործիք: Ո՛չ, մինչև անգամ կրօնի ճշմարտութեան ծառայելու համար հարկ չէ խորտակել մարդու հոգին և նրան այդպիսի կրաւորականութեան հասցնել: Եթէ և այժմ մենք յաճախ տեսնում ենք, որ ակամայ հնազանդութիւնը հիմնուած կուսակրօնական ուխտի վերայ, կատարում է գործեր, որոնք արժանի են մեր յարգանաց և զարմանքին, դա այն պատճառով է, որ այդ հնազանդութիւնը հասարակաց կարծքի, լուսաւորութեան և ազատութեան ազդեցութեան ներքոյ չէ կարողանում շատ շեղուիլ այն ճանապարհից, որով գնալ պահանջում են բարին և ողորմածութիւնը: Իսկ այդ ճանապարհի վերայ նրան օգնութիւն են հասնում հոգու կենդանի զօրութիւնք, այնպէս որ ընտրեալների մէջ այդ կոյր հնազանդութիւնը կրաւորականից փոխուում է կամաւոր *):

Այսպէս, եղբարք, մենք պէտք է հեռացնենք մեզնից եռանդով և հնազանդութիւնն երկիւղից, ինչպէս դատապարտեցինք հնազանդութիւնն հաշուով: Ինչպէս արդէն նկատեցի, Աստուած չէ կամենում, որ Նրան ստրուկներ ու վարձկաններ ծառայեն: Արեւմտիկ կը ծառայէ Նրան: Այս հարցին ս. Առաքեալը պատխանում է. «Որդիք»:

«Որդիք»: Այս պարզ խօսքը զարմանալի խորին միտք ունի: Մեզ զբաղեցնող խնդրում նա ամեն ինչ իւր մէջ բովանդակում է՝ մեր անպայման կախումն Աստծուց, սուրբ յարգանքն և քնքոյշ սէրը: Նա մեզ յիշեցնում է ամեն ինչ, որ պարտաւորում է մեզ հնազանդել և հեռացնում է ամեն հաշիւ ու ստրկական հպատակութիւն, որոնք կարող էին խառնուիլ մեր հնազանդութեան հետ: Որդիք Աստուծոյ—երբեմն մենք կորցրինք այս մեր ընտիր և փառաւոր

*) Այստեղ արած բոլոր ակնարկութիւնք անպայման հնազանդութեան վնասակարութեան մասին վերաբերում են կաթոլիկ կրօնաւորներին:

տիտղոսը: Եթէ մենք կրկին ստացանք այդ տիտղոսի արտօնութիւնը—դա աստուածային շնորհք է: Նրան մեզ վերադարձնել կարող էր միայն Յիսուս Քրիստոս. միայն Նորա մեծ զոհը կարող էր վերադարձնել մեզ այդ անունը: Այսպէս այդ խօսքը յիշեցնում է մեզ ամեն ինչ, որ նշանաւորն է Աւետարանում և սրտաշարժը: Ես չեմ ասել ձեզ, Եղբարք, որքան քնքուշութիւն և սրբութիւն պէտք է լինի որդոց յարաբերութեանց մէջ առ Հայրը. ժամանակը ստիպում է ինձ շտապել կատարելու այլ պարտականութիւնք և ես շտապում եմ ձեզ ասելու. Դուք, որ Աստուծուն Հայր էք անուանում և մերժել էք վարձականի հաշիւն և սորկի երկիւղը—դուք, որդիքդ Աստուծոյ, գիտէ՞ք արդեօք Հնազանդել:

Բայց շարունակելից առաջ, ես ինքս ինձ հարցեմ տալիս, թէ արդեօք մենք կատարելապէս հասկացել ենք այդ խօսքի բոլոր միտքը: Այդ խօսքով մենք մի գործողութիւն ենք հասկանում. բայց գործողութիւն—դա Հնազանդութեան մի կողմն է, համբերութիւնը նորա միւս կողմն է, որ ամենից նշանաւորն է շատերի համար և ամենազգուարն ամենքի համար:

Մենք հեշտ ենք հաւատում, թէ մեր գործողութիւններով ծառայում ենք Աստուծոյ—շրջել, խօսել, աշխատել—ահա մեր միջոցները Հնազանդութեան: Բայց սպասել, անգործունեայ մնալ և համբերել—սորա մեզ մահուանից աւելի ծանր են թուում: Արպիսի կոպիտ սխալ է մեր մարմնաւոր խելքի, որ գնահատում է միայն այն, ինչ որ տեսանելի է և կշռելի: Կարծես ներքին գործունէութիւնն, որ կատարւում է մեր հոգու մէջ պակաս գին ունի, քան այն նիւթն, որ մեր ձեռքերը յարմարեցրել են գործածութեան համար, քան այն տարածութիւնն, որ անցել են մեր ոտները, քան այն բազմաթիւ խօսքերն, որ արտասանել են մեր շրթունքները: Եղբարք, Հնազանդութիւնն Աստուծոյ նոյնքան էլ համբերութեան մէջ է, որքան և՛ գործունէութեան մէջ: Ընդհանրական եկեղեցուն հիւանդներ նոյնքան հարկաւոր են, որքան և՛ քարոզիչները, նորա կամքը պարտաւորիչ է և՛ այն ժամանակ, երբ նա մեզ պատուիրում է լռել և՛ երբ հրամայում է խօսել և երբ նա մեզ մեխում է հիւանդութեան մահճի վերայ

և՛ երբ ուղարկում է պատերազմելու հեթանոսութեան դէմ՝ Քրիստոնեայի կեանքը յաճախ Ս. Գրքում համեմատուում է սրբազան պատերազմի հետ—ահա այսպէս կանոնաւոր պատերազմում բոլոր զօրքերը միևնոյն դերը չեն կատարում: Եթէ մի քանի զնգերն ուղարկուում են ուղղակի թշնամիների դէմ և պատերազմի մէջ կարող են ցոյց տալ իրանց եռանդոտ քաջութիւնը, այլք ամբողջ ժամեր պարտաւորուած են լինում մնալու թշնամու հրազէնքի մահաբեր կրակի ներքոյ: Նոքա զէնքը ձեռքին անշարժ կանգնած են, հնար չունենալով նրանց գործադրելու և նայում են ինչպէս թշնամու ռումբները նոցա շարքերում ահօս են բաց անում: Իսկ երեկոյեան դադրած այս զարհուրելի կրակից, նոքա չեն ստանում յաղթանակի պսակ և ամբօխը նոցա անուաները չի յիշել ի շարս նոցա անուանց, որոնց գոյւում է:

Բայց ո՞վ կը համարձակի ասելու թէ նոցա դերը պատերազմում գիւրին էր: Ընդհակառակն այդպիսի գիրքի համար ընտրուում են աւելի գիմնակուն և կրթուած զնգերը, որովհետեւ նորակիրթ զինուորներից կարելի է սպասել աւելի եռանդ և անդիմադրելի գրոհ, որոնք անհրաժեշտ են թշնամուն տեղահան անելու համար, բայց միայն հինաւուրց զինուորները կարող են ցոյց տալ հաստատուն արիութիւն, որ արհամարհում է անյայտ մահը: Կեանքի պատերազմումն էլ նոյնն է կատարուում: Եթէ Տէրն ոմանց կանգնեցնում է առաջին շարքերում, կոչելով նրանց ի պատերազմ, որ արձագանք կը տայ պատմութեան մէջ, իսկ այլոց Նա հրամայում է սպասել և համբերել լռութեան և ըստ երևութին անգործունէութեան մէջ, այնու ամենայնիւ թէ առաջինք և թէ երկրորդք միասին նպաստում են յաղթութեան և ամենքն էլ միապէս նպաստում են Նախախնամութեան նպատակներին:

Այսպէս, եղբարք, դուք, որ կոչուած էք կատարելու այս կամ այն խնդիրը, գիտէ՞ք արդեօք հնազանդել:

Ես ուղղակի կասեմ այն, ինչ որ մտածում եմ: Ներկայումս մենք ամեն առաքինութիւններից աւելի կարօտ ենք հնազանդութեան: Ես հակամիտ չեմ անորոշ ենթադրութիւններ անելու, որով ճգնում են մեր ժամանակի վերայ բարդելու ամեն թուլու-

թիւնք և ախտեր, բայց եթէ նկատելի է ներկայ ժամանակի
հասարակ այս կամ այն յատկութեան նուազումն, դա աւելի պար-
տականութեանց գիտակցութեան զգացմունքներն են: Ատրկական
հնազանդութիւն, առաւելութեամբ ունինք, բայց ազատական
հնազանդութիւն պարտականութեան, հնազանդութիւն Աստուծոյ
կամբին—ահա ինչի ենք կարօտ: Կարո՞յ էր արդեօք այլապէս լի-
նել մեր ժամանակում, երբ այսպէս անուանեալ լրջամիտ մարդիկ
համարձակում են հաստատել, թէ Աստուծոյ գաղափարը մինչև
այժմ խոչընդոտ է եղած մարդկութեան ազատ զարգացման:

Այսպիսի է ներկայ ժամանակի ուղղութիւնը: Հանգէս բերեցէք
այստեղ այն բնաւորութիւններէց մէկին, որոնց համար ապստամ-
բութիւնն ունի ինչ որ գաղտնի ու գրաւիչ բան և երեւակայե-
ցէք, թէ որքան զօրեղ կը լինի նորա գայթակղութիւնը: Այո,
եղբարք, լինում են սարսափելի բոլէներ, երբ հպարտութեան ինք-
նիշխանութիւնը զարթում է մեր հոգու մէջ անսովոր զօրու-
թեամբ: Այն ժամանակ մեր ներքին ամբողջ աշխարհը, կարծես,
դաւ է նիւթում Աստծուն գիմարելու համար: Երեւակայութիւնն
առանց ուղղութեան աստանդում է, հետեւելով իւր հեռաւոր
մնալ ջնորքներին, կիրքը զարթում է, յայրի գաղանի նման, որ
պարէն է պահանջում բանականութիւնն ուզում է ամեն ինչ զե-
կալարել, կամքը չէ կարողանում իւր անձնական պիտոյից սահ-
մանից անցնել: Ո՞ւր անձանօթ է այսպիսի ժամանակի սարսա-
փելի պատերազմը: Հէնց այդ ժամանակ մեր հպարտութեան խոր-
քից բարձրանում են առ Աստուած տրտունջները, որոց թարգման
լինելու խօսքերով անկարող է մեր լեզուն, այդ ժամանակ մենք
պատրտատ ենք ասելու Աստծուն, ինչո՞ւ Դու ինձ քրիստոնեայ
ստեղծեցիր: Ինչո՞ւ Դու իմ մէջս գրիր այս անհանգիստ խղճմը-
տանքը, որ ինձ մի բոլէ հանգիստ չէ տալիս: Ինչո՞ւ Դու իմ
ճանապարհիս վերայ կանգնեցիր Գողգոթայի խաչն, որ ինձ յան-
գիմանում է, երբ ես գայթակղուում եմ: Ինչո՞ւ այն ժամանակ
երբ այլք անհոգութեամբ և ուրախ իրանց սրտի ցանկութեանց,
աչաց նախանձին և կենսական սնափառութեան հետեւելով անց-
նում են իրանց ճանապարհը, Դու ինձ այնպէս ստեղծեցիր, որ

ես պարզապէս հասկանում եմ: թէ ինչ է այդ զուարճութեանց էութիւնը և արդէն չեմ կարողանում մասնակցել նրանց առանց խղճի խայթի, այլ նոյա տուած բաւականութեան մէջ գտնում եմ նոյա ունայնութեան գիտակցութիւնը:

Այսպիսի մտքեր, եղբարք, խռովում են մեր հոգին, մտքեր որոնք միայն հայհոյութիւն են՝ թէ իրիտ Աստուած, ինչո՞ւ Գու մեզ փրկեցիր:

Գուք, որ գլորուել էք հպարտութեան այդ անդունդը, դուք, որ այդ ժամանակ զգում էք սարսափ բերող այնպիսի զուարճութիւն, որպիսին մարդս զգում է երբեմն գլխի պտտելիս, դուք, որոնք լսում էք ձեր մէջ այն ձայնը, որ կոչում է ձեզ դէպի ասլըս-տամբութիւն երկիւղից ամեն տեսակ լծի դէմ,— գնացէք Աւետարանի Աստուծոյ մօտ և հարցրեցէք Նրան, թէ նա որպիսի հնազանդութիւն է դնում ձեր վերայ:

Բայց ո՞ւր կը գտնէք դուք Նրան. Նազարէթում՝ իբրև հնազանդ ծառայի, Գէթսեմանիի այգիում, իբրև աղաղակողի թէ «բայց ոչ որպէս ես կամիմ այլ որպէս Գու». Գողգոթայի վերայ, ուր խրմում է չարչարանաց դառն բաժակը մեզ ամենքիս համար: Գնացէք Նորա մօտ, ով հպարտ մեղաւորներ և յանդգնեցէք լիճելու Նորա հետ ձեր իրաւանց համար: Վանգատեցէք, որ դուք ստիպուած էք հնազանդել, որ դուք պարտաւորուած էք կրելու ձեր խաչն, մինչդեռ Նա իւր խաչի վերայ բեռած էր, գանգատեցէք, որ դուք պարտաւոր էք համբերել, մինչդեռ Նա ցմահ համբերեց և իբրև վարձ այդ համբերութեան և հնազանդութեան համար պէտք է միայն աղաղակէր. «Աստուած իմ, ընդէ՛ր թողեր զիս»:

Բայց բազմաթիւ չեն այն մարդիկ, որոնք աշկարայ կերպով ապստամբում են, քչերը համարձակում են դէմ յանդիման լիճաբանութեան մէջ մտնել Աստուծոյ հետ: Ըստ մեծի մասին մենք շեղուում ենք Նրանից այլապէս, այն է, մենք ըստ երևութին հպատակում ենք Նորա իշխանութեան, մենք խոստանում ենք ծառայել Նրան, բայց այդ սղատարկութեան այս կամ այն եղանակը ինքներս ենք ընտրում: Եկեղեցու մէջ կան շատ քրիստոնեայք, որոնք ցանկանում են ծառայել Աստուծոյ իրանց կամքի համեմատ

և որոնք իրանց ամենագլխաւոր պարտականութիւնքը զոհ են բերում երեւակայական պարտաւորութեանց— քրիստոնեայք, որոնք կատարում են իրանց կամքը Աստուծոյ կամքի անուան ներքոյ: Նոքա յաճախ կամակորութեամբ հետեւում են մի ծրագրի, որ ամուր կերպով կազմակերպուել է նոցա գլխում և այնուհետեւ առ ոչինչ են համարում թէ իրանց եղբարց նկատողութիւնքը, թէ հանգամանքների ցուցմունքը և թէ այն պարզ նշանները, որոնցմով Աստուած օգնում է մեր թուլութեան, և ապա արդարացնում են իրանց վարմունքը յանուն Աստուծոյ կամաց: Աստուծոյ կամքը— յարմար խօսք է մեր բոլոր ցանկութիւններն արդարացնելու համար. բայց մի և նոյն ժամանակ նա ժպիտ է յարուցանում սկեսպտիկեանների շրթանց վերայ: Եղբարք, զգուշանանք սրբապղծելուց այդպիսի խօսքերը, չափաւորենք մեր լեզուն, զգուշանանք մեր սեպհական ցնորքն ու մեր խորամանկ սրտի ճարտարանքը աստուածային ներշնչութիւն համարելից, որովհետեւ մենք մեզ գայթակղելով ու խաբելով ինչ որ մեզ համար ամենասուրբն է արդար ծաղրի ու ծանակի առարկայ ենք դարձնում:

Եւ յիշաւ ինչպէս ծաղրալի է այն քրիստոնեան, որ կրում է հնազանդութեան հանդերձ և արհամարհում է ամենապարզ ու ակնյայտնի բնական պարտականութիւնքը: Այն ժամանակ իւր խղճի յանդիմանութիւնքը խեղդելու համար նա կրկնապատկում է իւր արաաքին եռանդը, նորա խանդն արտայայտուում է աղմկալից բողոքներով և ֆախտեանականի անունն նորա շրթունքներն այնքան յաճախ կրկնում են, որքան նրանից հեռու է Աստուծոյ կամքը: Սիրոս ճմլուում է, երբ մտածում եմ, թէ որքան յաճախ պատահում են այսպիսի իրողութիւնք: Աստուծոյ առաջ այսպիսի խորամանկութիւն գործ դնելու եղանակը չափազանց ցաւալի է: Այդպէս է արդեօք ներգործում սէրը: Սիրող սրտին միթէ կարող է սիրելի լինել խաբէութիւնն, միթէ նա կարող է խաբէութիւնն առաջարկել Աստուծուն իբրեւ հաւատարմութիւն: Եղբարք, ձեր խղճմոռնքն Աստուծոյ ձայն է, ես չեմ կարծում որ նա այդպիսի դէպքերում լռելիս լինի: Պէտք է նրան լսել: Առանց սրան այլ ևս մի խօսէք հնազանդութեան մասին և զգուշացէք,

որ մի գույշ նմանիք այն որդուն, որ ասաց իւր հօրը. «ես կերթամ քո այգին» և չը գնաց: Զգուշացէք ուրեմն, որ մաքսաւորներն և կորած կանայք չը յառաջեն ձեզ երկնից արքայութեանում:

Ինձ մնում է մատնացոյց լինելու էլի մի գայթակղութեան վերայ, որ ես աւելի վտանգաւոր եմ համարում այն պատճառով, որ նա առաջ է գալիս ոչ մեր հպարտութիւնից և ոչ էլ մեր բնածին խորամանկութիւնից, և առաւելագոյն յատուկ է աւելի պարզամիտ ու մտերիմ բնաւորութեանց:

Ստրկի հնազանդութիւնը քննելիս, ես արդէն ասացի, որ հնազանդութիւնն ամենից առաջ պէտք է լինի ներքին և ազատական և ամեն տեսակ գործողութիւն, որ առաջացած չէ սիրոյ ազատ դրդումից, Աստուծոյ առաջ կշիռ և նշանակութիւն չունի: Բայց ահա ինչպիսի եղբակացութիւն անել դրանից, երբ Աստուած հրաւիրում է մեզ ի հնազանդութիւն, մենք սպասում ենք, թէ մի ներքին շարժումն կը մղէ մեզ դէպի այն, և եթէ այդ շարժումն չէ զգացուում, մենք հրաժարուում ենք հնազանդելուց: Իրական հողի վերայ կանգնենք և բացատրենք այն օրինակներով: Աստուած հրամայում է մեզ աղօթել, բայց մեր սիրտը սառն է, մենք ասում ենք, մեր աղօթքը կը լինի անբուխանգակ ձեականութիւն և մենք չենք աղօթում: Աստուած հրամայում է մեզ կարգալ նորա խօսքը, բայց մեր սիրտը թարշամած է, Աստուածաշունչը նորա վերայ չէ ազդում և մենք չենք կարգում Ս. Գիրք: Աստուած հրամայում է հրապարակաւ խօստովանել մեր հաւատը, բայց մեր սիրտը աստուածային իսկութեան նշանակութիւնը չէ զգում, մեր խօսքերն, եթէ մենք վկայելիս լինէինք մեր հաւատի մասին, համապատասխան չէին լինիլ նոյն բոսէին մեր ունեցած զգացմունքին, ուստի և մենք լռում ենք: Աստուած հրամայում է մեզ այցելել հիւանդներին և աղքատներին, բայց մեր սիրտը երաշտահար է և ցամաք, մենք նրանց կը տայինք միայն դատարկ և մաշուած մրիսի-թարական խօսքեր, ուստի և չենք էլ այցելում նրանց:

Եղբարք, ահա այստեղ է վտանգ մեզ համար, որոնք հասկանում ենք, թէ ստրկական հնազանդութիւնը գին չունի Աստուծոյ

աչքում: Ես կարող եմ՝ ասել, որ յաճախ խանդով ու եռանդով լի քրիստոնէական կեանքը խորտակուում է այս խութի վերայ:

Ո՛հ, անտարակոյս, մեր սիրար միշտ սիրով և ուրախութեամբ պիտի կատարէր Աստուծոյ կամքը: Բայց դուք շատ լաւ գիտէք, որ այդպէս չի լինում միշտ: Ի՞նչպէս պէտք է վարուել այդպիսի դէպքերում: Հարկ է անգործունեաց մնալ. Աստուած մի արտօնէ: Հարկ է, եղբարք, հնազանդել, հնազանդել խոնարհութեամբ, հնազանդել, առանց յափշտակութեան, առանց մոլեգին եռանդի, առանց խանդի—բայց և այնպէս հնազանդիլ: Ի՞նչպէս, կասէք դուք ինձ, միթէ հնազանդութիւնն առանց եռանդի բոլորովին անօգուտ և մինչև իսկ ծաղրի արժանի չէ: Ո՛չ, եղբարք, եթէ նա անկեղծ է, անշուշտ ընդունելի կը լինի: Կամքի այսպիսի ուղղութիւնը, թէև նա չունի ներքին եռանդ, այնու ամենայնիւ մնում է նշան, որ կեանքը դարձած է դէպի Աստուած:

Լինում են օրեր, երբ հոգմի ոչ մի շունչ չէ շարժում նաւի առագաստն և ուկիանոսի մակերևոյթը, այն ժամանակ նաւերը աւաճառայ անշարժ են մնում, բայց նոցա ցոււկի ուղղութիւնից դուք կարող էք գուշակել, թէ նոքա հայրենիք են վերադառնում, թէ նրանից հեռանում են դէպի անյայտ ծովեզրներ: Այսպէս էլ կեանքի ծովում քրիստոնէի համար լինում են երկարատե օրեր, երբ ոչ մի շունչ ի վերուստ չէ ներշնչում նորա հոգու մէջ, բայց և այնպէս այդ հոգին միշտ ուղղուած պիտի լինի առ Աստուած, որպէս զի հէնց առաջին հոգմը տանէր մեզ հնազանդութեան ճանապարհով: Անմոռութիւն կը լինէր կեանքի զեկաւարող կանոն ճանաչել սրտի եռանդուն յափշտակութիւնը, մեր սկզբունքը՝ գաղափարն է—պարտականութիւն, որովհետև սա ամեն ժամանակ գոյութիւն ունի, կայ: Եւ յիրաւի, այդպիսի մահաբեր կանոնի հետեանքն այն կը լինէր, որ կեանքը փոփոխապէս հերթով կենթարկուէր երբեմն բարւոյ և երբեմն չարի թռուցիկ ազդեցութեան, որ նա չէր ունենալ դիմացկոտութիւն, ուրեմն և ոյժ ու տոկունութիւն, որ մեր բոլոր գործունէութիւնը կը բաժանուէր եռանդի ու վհատութեան շրջանների: Զորօրինակ այսօր գեղուն է մեր եռանդն և մեր տաճարները լիքն են, նուիրատու-

ութիւնք առատ են, աղքատները սիրելի իսկ վաղը վհատութեան յուսահատութեան օրը, Աւետարանը մեզ համար—ձայն բարբառոյ յանապատի է, մեր գործերն անկենդան են, մեր աղքատներն արհամարհած: Անձնախար չը լինենք, ամեն ինչ կանոններով պիտի կատարուի: Քրիստոնէի կեանքը նոյնն է, ինչ որ է վազոյ ջուրը, փակեցէք սրան նեղ և խորը տաշտի մէջ և նա յառաջ կը մղէ և կեանքն և՛ առատութիւնը, շարժելով ամենաճանր մեքենաները, բայց թոյլ տուէք նրան հոսելու փխրուն և աւազոտ գետնի վերայ և նա շուտ կանհետանայ և կամ կը կազմէ մի մահաբեր արտաշնչութիւն ունեցող ճահիճ:

Այսպէս ուրեմն հարկաւոր է հնազանդել ամեն ժամանակ՝ ինչպէս փորձութեան օրը, նոյնպէս երջանկութեան օրը, հարկ է հնազանդել արտասուօք, եթէ դուք չէք այն կատարել ուրախութեամբ, պէտք է հնազանդել տրտում սրտով, եթէ պակաս է եռանդ ու պատրաստականութիւն: Բացի սրանից ու կարող է երաշխաւորել, որ այդ սկզբում կրաւորական և տրտում հնազանդութիւնն ապագայում Աստուծոյ շնորհիւ չի դառնալ նորա կամքի ուրախ կատարումն: Եթէ սէրը հնազանդութեան աղբիւր է, չէ՞ կարելի արդեօք ասել, որ հնազանդութիւնն էլ երբեմն կարող է լինել սիրոյ աղբիւր: Փորձը հաստատում է այս: Արքան անգամ դուք սկսած էք մի բարի գործ ոչ սիրով, մինչև անգամ գաղտնի զգուանքով և վերջացրած էք այն շնորհակալութեան արտասուքով աչքերումդ: Արքան անգամ դուք ծուներ իջած էք, աղօթքի խօսքերը կրկնելով, բայց ձեր սիրտը անկեղծ արձագանք չէր տալիս նրանց, այդ սիրտը կարծր էր քարի պէս և ահա, կարծես, Մովսէսի գաւազանի հարուածով, դուրս բղխեց նրանից կենդանի ջուր և դուք վեր կացաք չոքած տեղից մխիթարուած աղօթքով: Ահա հնազանդութեան պտուղներն, ահա ինչ արդեանց է հասնում նա Աստուծոյ օրհնութեամբ:

Ելի մի վերջին խօսք: Այս խօսքն ես ուղղում եմ նրան, որ չէ ճանաչում ճշմարտութիւնը, այլ միայն որոնում է նրան: Եթէ ինձ հարցնեն թէ որն է ամենալաւ միջոցն հաւատ ունենալու կամ նորա հաստատութեան համար, ես առանց տատանման կը պա-

տասխանեմ՝ հնազանդութիւնը: Լսեցէք պարտականութեան ձայնին և այդ ձայնը, սկզբում ցուրտ և ցամաք, տակաւ առ տակաւ կատանայ քնքոյշ ել և էջներ ու վերջապէս կը դառնայ կենդանի և դուք նորա մէջ կը ճանաչէք Աստուծոյ ձայնը:

Մի երևելի մատենագիր, սկեպտիկեան դարի թշուառ որդին, այն է Ռուսսոն, դառն փորձով ճանաչում էր գործունէութեան ազդեցութիւնը հաւատի վերայ: «Եթէ դու ցանկանում ես հաւատալ Աստուծոյ, ասում է նա, ապրիր այնպէս, որ միշտ կարօտութիւն ունենաս Նորա գոյութեան: Այս խորիմաստ ճշմարիտ միտքը է միայն արձագանք փրկի խօսքերին. «Ով կամենում է կատարել Աստուծոյ կամքը, կը ճանաչէ, որ իմ վարդապետութիւնս ծագում է Աստուածանից»:

Այսպէս ով տատանողներ ու երկբայողներ, հնազանդեցէք և դուք կը հաւատաք: Ամենից առաջ հնազանդեցէք Աւետարանի բարոյական վարդապետութեան, որոյ սրբութեան վկայում է ձեր խիղճը և դուք կը հաւատաք Քրիստոսին: Հնազանդեցէք ճշմարտութեան և սա կը լուսաւորէ ձեզ: Առանց սորա դուք իզուր կը խորհէք ու կը դատէք, անդադար ճշմարտութիւն որոնելով և նրան չը գտնելով՝ ի դուր կը կշռէք ձեր մտքի ու հանճարի կշիռքով միմեանց հակառակ պատճառներ ու հիմունքներ: Միայն այն ժամանակ կշիռքի մի թաթը կը հակուի դրական հաւատի կողմն, երբ նորա մէջ կը դնէք ձեր հնազանդութիւնը: Ապրեցէք ուրեմն այնպէս, որ ձեզ հարկաւոր լինի հաւատը նորա համար, թէ արդարադատութիւնը, սրբութիւնն և սէրը Աստուծոյ—խսկութիւն են և դուք կը հաւատաք: Որքան աւելի զոհ բերէք ճշմարտութեան, այնքան նա աւելի թանգ կը լինի ձեզ: Հրաժարուեցէք նորա համար խաբուսիկ ունայնութեան սնոտի փայլից և ձեր պարզուած աչքերը ուրախութեամբ կը տեսնեն նորա պայծառ փայլը: Հրաժարուեցէք նորա համար մարմնաւոր կոպիտ զուարճութիւններից, հպարտութեան վատ ուրախութիւններից, անձնասիրութեան գայթակղիչ ցնորքներից և դուք նորա մէջ կը գտնէք ձեր վարձն ու տրիտուրն, որոյ մասին դուք կարծիք անգամ չէիք տանում: Ո՛վ, աստուածային ճշմարտութիւն, դու

ծածկուում են հաբար բանականութիւնից, որովհետեւ սա քո մէջ որոնում է միայն իւր հետաքրքրութեան համար կերակուր, դու նորա համար մնում են անթափանցելի գաղտնիք: Խակ նոցա, այք կամենում են լսել քո ձայնդ, որան հետեւելու համար, նոցա, այք քեզ կոչում են հնազանդելու համար, դու յայտնում ես, և այդպիսեայ համար դառնում ես աւելի և աւելի մեծ, գեղեցիկ, երկրպագութեան արժանի և քո պահանջած բոլոր զոհերն ոչինչ են դառնում այն մաքուր, խորին ու անսահման երջանկութեան առաջ, որով լցնում ես դու սրտերը:

(Բերտիէ):

Պ. Ս.

Բ Ա Ն Ա Ս Ի Ր Ա Կ Ա Ն

ԻՐ Ա Ի ՈՒ Ն Ք Ի Խ Ա Խ Տ ՈՒ Մ Ն Ե Ի Պ Ա Տ Ի Ժ 1).

Մ Ա Հ ՈՒ Ա Ն Պ Ա Տ Ի Ժ.

Հասարակական բարոյականութեան համար էական նշանակութիւն ունի իրանց պաշտպանութիւնը կամ արդարութեան պահպանումն պետութեան կողմից: Խրաւանց կարգը Հասարակութեան բարոյական կեանքի հիմն է, նոյնպէս և նորա արտաքին գիմարկտութեան ոյժն, ուր այս հիմքը խախտուած է, զորօրինակ ուր ազգը կորցրել է իւր վստահութիւնն գէպի գաւառական հաստատութիւնը, այդ նշան է Հասարակական բարոյականութեան թուլանալուն (ժողովրդի բարոյական գիտակցութեան թուլանալը): Որովհետեւ իրաւանց պահպանութիւնը նշանակութիւն ունի ոչ միայն առանձին անձնաւորութեան համար, այլ և բոլոր քաղաքական հասարակութեան համար: Այս հիման վերայ իրաց կարգն անպայման կերպով պէտք է պահպանուի ու պաշտպանուի ամեն տեսակ կամայականութեան և ինքնիշխանութեան դէմ: Պատժական իրաւանց պահպանութեան մէջ երեւում է, թէ պետութիւնն որքան լրջութեամբ վերաբերուում է գէպի իրաւունքն ու արդարութիւնը: Քրէական պատժական օրէնստուութիւնը մի ազգի մէջ, նորա ընդունելութիւնն և յարգանքը գէպի նա, ապացոյց և արտայայտիչ է ազգի իրաւաբանական գիտակցութեան, ընդ նմին և նորա բարոյական գիտակցութեան օրէնքի հեղինակութեան, պարտաւորութեան

1) Տես «Արարատ» 1891 թ. հոկտեմբեր 531 եր.